

Zajednički projekti učenika iz Hamburga i Sarajeva

Učenike dvije srednje škole iz Hamburga jučer su ugostili đaci i profesori Srednje ekonomske škole. Gošti iz Njemačke u našem gradu boravit će devet dana, a u okviru projekta „Razmjena učenika“, koji provo-

di Fondacija SHL. Kako nam je kazala profesorica Senida Čeljo, nakon njihovog boravka u Hamburgu u aprilu, sada su učenici iz Njemačke došli u Sarajevo da bi učestvovali u brojnim planiranim projektima.

- Cilj nam je prvenstveno druženje djece. Svakim danom radimo nešto novo, danas smo ukrašavali fasadu sportske dvorane ispisivanjem citata „Ljubav je jezik koji svi možemo razumjeti“, uz pomoć Udruženja



Čeljo s vodičima iz Hamburga „Srce puno osmijeha“. Vikend provodimo svi zajedno, idemo na produženi izlet u Neum, gdje ćemo nastaviti s raznim aktivnostima - kazala je Čeljo.

Klemans Garbe, vodič učenika iz Njemačke, kazao nam je da su prvi put u BiH i da su zadovoljni gostoprimstvom.

- Svaki dan imamo razne aktivnosti, obilazimo najljepše dijelove grada. Uživamo u svemu što radimo ovdje, bosanska kuhinja je vrlo ukusna, a ljudi su divni. Radujemo se vikendu koji ćemo provesti svi zajedno na moru - rekao je Garbe. **S.B.**



Učenici ispisivanjem citata ukrašavali fasadu